



Халқ сўзи

Ўзбекистон — келажаги буюк давлат

2022 йил — ИНСОН ҚАДРИНИ УЛУҒЛАШ ВА ФАОЛ МАҲАЛЛА ЙИЛИ

1991 йил 1 январдан чиқа бошлаган • WWW.XS.UZ • E-mail: Info@xs.uz • 2022 йил 29 январь, № 20-21 (8082-8083) Шанба Саясийга ўтиш учун QR-кодни телефонингиз орқали сканер қилинг.

МАКТАБ ТАЪЛИМИНИ РИВОЖЛАНТИРИШ БЎЙИЧА УСТУВОР ВАЗИФАЛАР БЕЛГИЛАНДИ

Президент Шавкат Мирзиёев раислигида 28 январь кунини мактаб таълимини ривожлантириш масалалари бўйича видеоселектор йиғилиши ўтказилди.

Мамлакат келажаги, барча соҳа ва лойиҳалар муваффақияти билми инсонларга боғлиқ. Шу боис охириги тўрт йилда таълим сифатини яхшилаш, ўқитувчилар мавқеини юксалтириш бўйича кўп ишлар қилинди. Энди мамлакатимиз янги даврга қадам қўймоқда. Ўзбекистоннинг 2022 — 2026 йилларга мўлжалланган тараққиёт стратегиясида тўртинчи устувор йўналиш айнан таълим соҳасини, инсон капиталини ривожлантиришга қаратилган. Давлатимиз раҳбари бу ҳаёт-мамонт масаласи эканини таъкидлади. — Бу соҳадаги ислохотларни кечиктиришга ҳаққимиз йўқ. Мактаб таълимида пойдевори бугундан мустақил бўлиши керак. Бунга барча эътиборимиз ва ресурсларимизни сафарбар қиламиз. Қийин йўлни танлаёмиз, лекин шу йўл муаммоларни ечади, — деди Шавкат Мирзиёев. Мактабларни яхшилаш фақат Халқ таълими вазирлигининг эмас, балки барча вазирлик ва идоралар, ҳокимликлар, илмий ташкилотлар, зиёвчилар, кенг жамоатчиликнинг вазифаси бўлиши кераклиги таъкидланди. Хусусан, мамлакатимиз бўйича 10 минг 130 та мактабни ислох қилиш зарур. Бу 6 миллиондан зиёд ўқувчилар, 500 мингдан ортқ муаллимлар, умуман, жамиятимизнинг барча қатламлари, ҳар бир оиланинг келажагига дахлдор. Йиғилишда, аввало, соҳадаги муаммо ва долзарб масалалар кўрсатиб ўтилди. Бугунги кунда 1 минг 695 та мактаб мукамал таъмирга муҳтож. Афсуски, ҳанузгача 179 та пахсадан қурилган мактаб бор. 3 мингдан зиёд мактаблар учун қўшимча ўқув бинолари зарур. 2 мингдан ортқ мактабларда спорт зали йўқ. Бундан ташқари, янги массивлар барпо этилиши, қишлоқ инфратузилмаси кенгайтиши ва аҳоли ўсиши ҳисобига яна 270 та мактаб қуришга эҳтиёж бор. Шу пайтгача фойдаланиб келинаётган таълим стандартлари, ўқув дастурлари фақат назарий билим беришга йўналтирилган бўлиб, болаларни мангитқай қилдиришга, амалиётга, ҳаётга ўргатамапти. Мактабларда ишлаётган 504 минг педагогдан 60 минг нафари ўрта махсус маълумотли, 190 минг нафарида эса умуман малака тоифаси йўқ. Кўп педагогларнинг билими ва маҳорати етарли эмас. Ўқитувчи сифатли дарс ўтишига эмас, «кўпроқ соат олиш»га интилади. Тизимда ҳанузгача 200 дан ортқ ҳисоботлар мавжуд, ўқитиш, тадбирлар ўтказиш каби жараёнлар ҳаддан ташқари қилинган солинган. Мактаб кутубхоналаридидаги китоб фонди йиллар давомида янгиланмаган. Атиги 615 та мактабда миллий мусика анжумлари мавжуд. Мактабларни яхшилаш, уларни аттестация ва акредитациядан ўтказиш номига бўлиб, таълим-тарбия муҳитини яхшилашга ҳизмат қилади. Бу каби камчиликлар халқ таълими тизимида барча ёндашувларимизни тубдан қайта кўриб чиқиш, уларни мутлақо такомиллаштиришнинг талаб қилади. Шу боис мактабларнинг ҳам ички, ҳам ташқи кўнрақини яхшилаш, таълим сифатини мутлақо янги bosқичга олиб чиқиш бўйича катта ислохотлар бошланиши айтилди.

— Умуман, ўқитиш методикаси, дарсликлари, партадан тортиб, биносигача тўлиқ қайта кўриб чиқамиз. Таълимга, муаллимга шариот яратмасак, жамият ўзгармайди. Туман, вилоят ва республика даражасида Мактаб таълимини ислох қилиш кенгашилари тузилади. Республика кенгашига шахсан ўзим раҳбарлик қиламан. Туман ва вилоят кенгашиларига эса ҳокимлар бош бўлади, — деди Президент. Ў.А.

«UZBEKISTAN GTL»: МИЛЛАТ ҚАДДИ ВА ҚАДРИГА ДАХЛДОР ГИГАНТ МАЖМУА



Бугун бафуржа ҳикоя қилмоқчи бўлганимиз Ўзбекистон энергетика соҳасидаги улкан ютуғимиз бўлмиш «Uzbekistan GTL» корхонаси ҳам мамлакат энергетика тармоғида ташкил этиладиган кластер тизимининг қалдирғочларидан бири бўлади. Бироқ, шундай деймиз-у, бу муваффақиятга қандай эришганимиз, нималарнинг, қандай меҳнату жасоратнинг эвазига ушбу завод бунёд бўлганини кўпма кўп ўйлавермаймиз. Ҳаммаси оддий, шундай бўлиши керакдаси туюлади, кўпчилигимизга. Аслида ундай эмас. Чўлнинг қоқ марказида қад ростлаган ва бугун халқимизнинг фахрига, иқтисодий таъминининг таянчига айланиши кутиладиган «Uzbekistan GTL»нинг дунёга келишини, ҳеч шубҳасиз, юксак ва метин сиёсий ирода маҳсули, дейиш мумкин.

3, 4, 5, 6-саҳифаларда ўқинг. ►►

Ўзбекистон Республикаси Президенти Матбуот хизмати сурати.

Ўзбекистон Республикаси Президентининг ФАРМОНИ АҲОЛИНИНГ ИЖТИМОЙ ҲИМОЯГА МУҲТОЖ ТОИФАЛАРИНИ МОДДИЙ ҚўЛЛАБ-ҚУВВАТЛАШ ТИЗИМИНИ ЯНАДА ТАКОМИЛЛАШТИРИШ Тўғрисида

Аҳолини манзилли ижтимоий ҳимоя қилиш ва моддий қўллаб-қувватлашни кучайтириш, кўмакка муҳтож тоифаларга ва ёлғиз кексаларга пул ёрдами кўрсатиш кўламини кенгайтириш ва самарадорлигини янада ошириш мақсадида: 1. Ўзбекистон Республикаси Президентининг 2003 йил 27 мартдаги «2003 йилнинг 1 апрелидан бошлаб ўй-жой-коммунал хизматлар ҳақини тўлаш бўйича бериладиган имтиёзлар ўрнига компенсация пул тўловларини жорий этиш тўғрисида»ги ПФ-3227-сон Фармонида мувофиқ имтиёзли тоифадаги шахслар учун ўй-жой-коммунал хизматлар ҳақини тўлаш бўйича қонунчилик асосида бериладиган имтиёзлар ўрнига ойлик компенсация пул тўловлари (кейинги ўринларда — компенсация тўлови) жорий этилганлиги маълумот учун қабул қилинсин. 2. Белгилансинки, 2022 йил 1 мартдан бошлаб: а) компенсация тўлови, уни олиш ҳуқуқига эга бўлган барча имтиёзли тоифадаги шахсларга, ушбу шахсларнинг пенсия (ижтимоий нафақа) олиши ёки олмастлиги ҳамда меҳнат фаолиятини олиб бориши ёки олиб бормаслигини қатъи назар тўлаб борилади; б) ижтимоий нафақа олувчи ўзгалар парваришига муҳтож ёлғиз шахсларга компенсация тўлови жорий этилади. Бунда ижтимоий нафақа олувчи ўзгалар парваришига муҳтож ёлғиз шахслар учун ҳар ойлик компенсация тўлови — пенсияни ҳисоблашнинг базавий миқдорининг 45 фоизи миқдоридаси тўланади; в) ёши 100 га тўлган ва ундан ошган ижтимоий нафақа олувчи шахслар учун ҳар ойда — пенсияни ҳисоблашнинг базавий миқдорининг 100 фоизи миқдоридаси кўшимча тўлов белгиланади.

Ўзбекистон Республикаси Президенти Ш. МИРЗИЁЕВ

Тошкент шаҳри, 2022 йил 28 январь

Анжуман

КАМБАҒАЛЛИКНИ КАМАЙТИРИШ БОРАСИДА ШҲТ ДОИРАСИДАГИ ҲАМКОРЛИК

Кеча Ўзбекистон Республикаси Иқтисодий тараққиёт ва камбағалликни қисқартириш вазирлигида Шанхай ҳамкорлик ташкилотига аъзо давлатлар вазирлик ва идоралари раҳбарлари иштирокида камбағалликни қисқартириш масалалари бўйича онлайн учрашув бўлиб ўтди. Ўзбекистон Республикаси Бош вазирининг ўринбосари — иқтисодий тараққиёт ва камбағалликни қисқартириш вазирининг ўринбосари раислигида Бунинг ШҲТ Бош котиби Чжан Мин ҳам ўз маърузасида таъкидлаб, муайян соҳаларда камбағалликни қисқартириш йўналишлари ва қўлланиладиган механизмлар юзасидан тажриба ва маълумот алмашиш, ҳаракатларни бирлаштириш муҳимлигини айтиди. Бу борада Ўзбекистонда амалга ошири-

Ўзбекистон Республикаси Президентининг ҚАРОРИ ХИЗМАТЛАР СОҲАСИНИ РИВОЖЛАНТИРИШГА ОИД ҚўШИМЧА ЧОРА-ТАДБИРЛАР Тўғрисида

2021 — 2023 йилларда Ўзбекистон Республикасида хизматлар соҳасини ривожлантириш дастуричи амалга ошириш натижасида 2021 йилда хизматлар кўрсатиш ҳақими қарийб 20 фоизга ўсди. Шу билан бирга, хизматлар соҳасини ривожлантиришга янгича ёндашувларни жорий этиш орқали бозор хизматлари ҳақими 2022 йилда 1,5 бараварга ошириш ҳамда қўшимча 1,5 миллион янги иш ўринларини яратиш имкониятини мавжуд. Худудларнинг ўзига хос хусусиятларидан келиб чиқиб, алоҳида ёндашувлар асосида хизматлар соҳасини ривожлантириш, тадбиркорлик субъектларини молиявий ресурслар ва инфратузилма билан таъминлаш ҳамда уларга қулай солиқ режими жорий этиш мақсадида: 1. Республика худудларининг аҳолиси сони ва зичлиги, географик жойлашуви, иқтисослашуви ва инфратузилма билан таъминланганлик даражасидан келиб чиқиб, хизматлар соҳасини ривожлантиришнинг куйидаги устувор йўналишлари белгилансин: а) ҳар бир туман ва шаҳарларда: бюджет маблағлари ҳисобига 2021-2022 йилларда шаҳарсозлик лойиҳалари асосида мукамал таъмирланган, ташқи ёритиш, суғориш ва дренаж тизимлари модернизация қилинган, пйёда ва велосипед йўлаклари қурилган ҳамда аҳоли гавжум бўлган кўчаларни савдо, хизмат кўрсатиш, сайилгоҳ ва кўнгилоҳар кўчаларга айлантириш; рақамли хизматлар улусини боқимча-боқимча ошириш учун зарур инфратузилма билан таъминлаш ва сифатли алоқа ва интернет хизматлари қамровини, шунингдек, «Электрон ҳуқумат» тизими хизматларидан фойдаланиш кўламини кескин кенгайтириш; б) Тошкент, Нукус шаҳарлари, вилоятлар марказлари ҳамда бошқа шаҳарларда кўпи билан ҳар 3 — 5 та маҳалла учун аҳоли гавжум бўлган кўча ни ободонлаштириб, пйёдалар йўлакчаларини кенгайтириш ва уларни ёритиш орқали маҳаллараро савдо-хизмат кўчасини ташкил этиш; в) аҳолиси 300 мингдан кам бўлган туманларда: саноат ва хизматлар соҳаси юқори суръатларда ривожланиб бораётган туманларда — савдо, меҳмонхона, овқатланиш ва логистика хизматларини, шунингдек, техник хизмат кўрсатиш ва кўнгилоҳар масканларни ташкил этишга устуворлик бериш; тоғли, тоғолди, рекреация туризм салоҳияти юқори туманларда — автомобиль йўллари, электр энергияси ва ичимлик суви таъминоти ҳамда бошқа инфратузилмани яхшилаш ва тайёр лойиҳалар асосида туризм хизматларини ривожлантириш; чегара худудларда жойлашган ҳамда худудидан халқаро автомагистраль ва темир йўллар ўтган туманларни — савдо, туризм, логистика ҳамда йўл бўйи хизматларини кўрсатишга иқтисослаштириш; қишлоқ ҳўжалиги улуси юқори бўлган туманларда — замонавий агрохизматларни ривожлантириш; г) ўрта ва йирик шаҳарлар ҳамда аҳолиси 300 мингдан кўп бўлган туманларда — замонавий бозор хизматлари, таълим, тиббиёт, санъат, туризм, меҳмонхона ва умумий овқатланиш ҳамда транспорт хизматларини ривожлантириш;

(Давоми 2-бетда) ►►



Биз қанча оғир бўлмасин, мамлакатимизни ривожланган давлатлар қаторига олиб чиқиш ва халқимиз учун муносиб турмуш даражасини яратиш йўлида маррани баланд олиб ишлаш ва яшашга ўргандик.

Ана шундай улуг мақсадларга қийинчиликлардан қўрқмасдан, янги билим ва технологияларни эгаллаб, барчамиз биргаликда ҳаракат қилиб, албатта эришамиз.

Шавкат МИРЗИЁЕВ



«Uzbekistan GTL»: МИЛЛАТ ҚАДДИ ВА ҚАДРИГА ДАХЛДОР ГИГАНТ МАЖМУА

1
Шу йил январь ойининг бошида «Интерфакс» ахборот агентлиги Ўзбекистон Россияга газ экспортини тўхтатгани ҳақида хабар берди. Ўзбекистон Республикаси Энергетика вазирлиги ҳам тасдиқлаган маълумотдан англашдики, 2022 йилда Ўзбекистон Россияга табиий газ етказиб беришни режалаштирмаётди.

«Интерфакс» хабарига кўра, 2018 йилда Ўзбекистон «Газпром»га 3,8 миллиард куб метр газ етказиб берган, 2019 йилда унинг ҳажмини 4,9 миллиард кубга оширган, 2020 йилда эса экспорт тўхтатилган. Айна шу йили «Газпром» туркман газини Ўзбекистонга етказиб беришни бошлаган.

«Газпром экспорт» бош директори Елена Бурмистрова вазиятни «Марказий Осиё давлатлари ҳозир жуда жадал ривожланмоқда. Бу, биринчи навбатда, Ўзбекистонга тегишли. Биз бу мамлакатда истеъмолнинг катта ўсишини кузатишимиз. Шу боис табиий, аҳолига газ етказиб бериш кенгайтирилади, чунки давлат газни ўз эҳтиёжлари учун йўналтиради», дея изоҳлаган.

Битта шу кичик ахборот атрофидаги тафсилотлар айна дамда Ўзбекистон тараққийнинг қайси босқичига кўтарилаётганини аниқрашдан кўрсатиб бера олади, назаримда.

Ҳа, иқтисодий сиёсат ўзгаряпти. Иқтисодийни диверсификациялаш, тармоқларни модернизация қилишга ривожланишнинг асосий «драйвер»и сифатида қараляпти.

Шу ўринда миллий давлат учун мустахкам пойдевор бўла оладиган янги жиҳатни айтмоқчиман: мамлакат қанчалик табиий бойликларга эга бўлмасин, иқтисодийнинг хом ашё экспортига қарамлиги кўпма фойда келтирадиган, гуллатиб-яшнатадиган йўл эмас. Айниқса, экспортдаги имкониятлар чекланган бўлса, бу жиҳат иқтисодий ва ҳатто сиёсий босимларда ричак вазифасини ҳам ўташи мумкин.

Сир эмас, минтақамиз энергия ресурслари сотуви жиҳатидан «тор доира» ичида қолган. Биқинимизда жойлашган икки «буюк» қўшни — Россия ва Хитой бугунгача минтақанинг асосий экспортёрлари сифатида қоляпти. Кўпчилик экспертларнинг иттифоқи, уларнинг минтақавий ва глобал қарашлари нуктаи назаридан, Марказий Осиё бошқариладиган майдонлигича қолмоқда.

Буни таҳлилчилар шундай изоҳлашди: Россиянинг қарашига, Хитой бу ерда таянчга эга бўлди; Хитойнинг қарашига, Россия бу ерда ўз меросини сақлаб қолмоқда.

Глазго университети тадқиқотчиси Марчин Качмарскининг «The Asian Forum» интернет нашрида «Нега Россия билан Хитой Марказий Осиёда рақобатлашмаяпти?» сарлавҳали мақоласида шу икки ақдор давлатнинг айнан минтақа энергетика бозоридан тугган ўрнига баҳо берилади: «2000 йилларнинг бошидан бери Россия билан Хитой ўртасидаги минтақавий қушлар мувозанатида жиддий силжиш кузатишмоқда. Уша пайтлари Хитой Россиянинг минтақадан табиий ресурслар, жумладан, нефть хом ашёси ва табиий газни транзит қилиш монополиясини бекор қилишга уриниб келди. 2008-2009 йилларда рўй берган глобал иқтисодий бўҳрондан сўнг Пекин Марказий Осиё мамлакатларининг энг йирик иқтисодий шеригига айланди. 1990 ва 2000 йилларда Россиянинг Марказий Осиё энергетика сиёсатидаги асосий мақсади Европа Иттифоқи минтақанинг нефть ва газ ресурсларидан фойдаланишига халал беришдан иборат бўлди. Туркманистон газини транзит қилиш монополияси алоҳида аҳамият касб этди, бу «Газпром»га Марказий Осиёнинг арзон газини Европа бозоридан қайта сотишдан анча-мунча фойда қўришига имкон берар, Европанинг эса собиқ совет маконидан газ олиши учун муқобил манбалар йўқ эди. 2007 йилда Россия, Қозғистон ва Туркманистон ушбу икки республиканинг газ қонларини Россиянинг газ тармоғи билан боғлайдиган газ қувури тортиш ҳақида келишиб олди, бу Россиянинг минтақа устидан назоратини мустаҳкамлаши керак эди. Аммо лойиҳа амалга ошмай қолди, чунки бу соҳага Хитой қизиқиш билдира битимлар имзолади. Нефть билан газнинг нархи глобал миқёсда тушиб кетганидан сўнг 2009 йил апрелда Россия Туркманистондан газ импортни тўхтати ва мавжуд шартномани қайта кўриб чиқишга уриниб кўрди, сабаби туркман газининг баҳоси «Газпром»га жуда қимматлик қилаётган эди... Туркманистондан Хитойга газ қувури тортишининг яқунланиши кейинги қадам бўлди ва у 2009 йилнинг декабрида фойдаланишга топширилди. «Газ уруши» Россия билан Хитойнинг Марказий Осиёдаги сиёсий-иқтисодий рақобатининг муҳим кўриниши бўлди, аммо Россия оқибатда бозорни Хитойга бўшатиб берди...»

Ушбу мулоҳазалардан кўринадики, иқтисодий, жумладан, энергетика соҳаси ҳам сиёсий-мафкуравий салмоққа эга. Ҳеч бўлмаганда, у босим ўтказиш ёки турли «манёвр»ларни амалга ошириш учун зарур пайтда «плацдарм» вазифасини ўташи мумкин. Бунинг глобал исботи сифатида айни қиш-қировли қунларда Россиядан Европага узалган «Шимолий оқим-2» газ йўлига атрофида юз бераётган турли мунозараларни келтиришнинг ўзи кифоя қилади, деб ўйлайман.

Сир эмаски, Хитой минтақамиздан энергетика ресурслари харид қиладиган энг йирик давлат. Маълумотларга кўра, Осмоноти мамлакати 2019 йилда учта асосий газ етказиб берувчи мамлакат: Туркманистон, Ўзбекистон ва Қозғистондан 50 миллиард куб метр табиий газ импорт қилди. Уша йили Хитой газ импортининг умумий ҳажми 9,6 фоиз ошди ва «China National Petroleum Corp (CNPC)» корпорацияси «COVID-19» вируси кенг тарқалиб кетишидан олдин 2020 йилда табиий газга бўлган талаб 8,6 фоиз ўсишини башорат қилган эди. Бироқ бирорнинг кўлига, шароитига қарамлигининг шундай нозик жиҳатлари борки, қутилмаганда у одамни фавқуллода эсанкратиби қўйиши мумкин. 2020 йил шундай ҳолат кузатилди. Коронавирус сабаб Хитойнинг газга бўлган эҳтиёжи пасайиб кетди. Расмий Пекин келишувларни шартномаларда кўрсатилган форс-мажор ҳолатларини баҳона қилиб, вақтинча тўхтатиб қўйди...

Ташки сиёсий тадқиқотлар институти (АҚШ, Филадельфия) қошидаги Евроосий дастури таҳлилчиси Максимилиан Гесс 2020 йилда «Central Asian Analytical Network» (CAAN) сайтида эълон қилинган «COVID-19» вируси кенг тарқалишининг Хитой табиий газ импортига таъсири. Марказий Осиё форс-мажорни ўз фойдасига ишлат оладими?» деб номланган тадқиқотида айни шу жиҳатга эътибор қаратади ва минтақа давлатларининг газ экспортига қарамлигини қийсий таҳлил этади.

Унинг фикрича, Туркманистон шу масалада ҳаммадан кўра Хитойга кўпроқ қарам бўлиб қолаётган минтақа давлати ҳисобланади. «...Айни пайтда туркман газ фақат Хитойга экспорт қилинмоқда. Бу газни, асосан, «Туркмангаз» «Багтиярлик» лойиҳаси доирасида етказиб бермоқда. Лойиҳа юритувчиси Хитойга тегишли «СНПС» бўлиб, у Туркманистондаги қонлардан газ қазиб олувчи ягона чет эл компаниясидир. Марказий Осиё — Хитой газ қувурининг илк тармоғи ишга туширилган 10 йил олдин Ашхобод йилига 50 милли-



Кудратилла РАФИҚОВ,
сиёсатшунос

ард куб метр — деярли барча газини Россияга экспорт қилаётган эди. 2010 йили икки мамлакат ўртасида газ экспорти масаласида можоро келиб чиқди. Ашхобод 2019 йилга келибгина Россияга 4 миллиард куб метр табиий газ етказиб бериш бўйича шартномага эга бўлди.

Бу борада Ўзбекистон билан боғлиқ вазият бундан фарқ қилади. Мамлакат Хитойга, 2019 йил маълумотларига қараганда, Туркманистон табиий газ ҳажмининг 1/3 қисмига тенг, яъни 10 миллиард куб метр етказиб бермоқда. Яқин келажакда Ўзбекистон газ етказиб беришни кўпайтириш эҳтимоли кам. Юқоридан номи зикр этилган Марказий Осиё — Хитой газ қувури 2018 йил охиридан бери тўла қувват билан ишламоқда. Шу билан бирга, Хитой билан Ўзбекистон ўртасидаги савдо-сотик қурилиш, технология, энергетика, шунингдек, нефть ва кимё саноати сингари соҳаларда кенгайиб бормоқда. Бунинг маъноси шуки, Ўзбекистоннинг Пекин билан иқтисодий муносабатлари, Туркманистонники билан солиштирганда, анча диверсификацияланган, шу сабабли Хитойда газга бўлган талабнинг пасайи-

ши билан боғлиқ тарзда юзага келадиган потенциал шокнинг таъсири унга кам бўлиши шубҳасиз».

Мен юқоридан гапни бекорга хорижий ОАВ ва халқаро экспертларнинг мамлакатимизнинг айни дамдаги энергетика сиёсатини маълум маънода таснифлаб берувчи мулоҳазалари ва хабарларидан бошламадим. Зотан, мавжуд масала ёки муаммони кенгроқ таҳлил қилиш ҳар доим уни яхшироқ англаб олишга ёрдам беради.

Энергетика соҳасида минтақамизда, жумладан, бизда ҳам муаммолар борлигидан ҳеч ким кўз юмолмайди. Афсуски, бу муаммоларнинг энг каттаси, албатта, сиёсий сабабларга бориб тақалади. Минтақадаги 90-йилларда мустақилликни қўлга киритган собиқ совет республикаларининг хом ашё базиси «категория»сидан чиқолмагани, таассуфки, шу миллий давлатларни неоконанциал хавфларга рўбарў қилди.

Бироқ кўпчилик халқаро мутахассислар этироф этишаётганидек, бу жараён қўшниларда турлича кечаётди. Кимдир узоқ йиллардан буён монолит шаклида қотиб турган вазиятни ўзгартиришга — миллий мақсулотини ўзини қониқтирадиган нархда сотишга ёки саноатини диверсификациялашга, экспортдаги монополия тўридан сирғалиб чиқишга уринаётди, кимдир эса мудом эски йўлда турибди.

Айни зикр этилаётган масалада бугунга келиб Ўзбекистоннинг тугган йўли, юртимизда бошланган ўзгаришлар кўпчиликини қизиқтираётгани, ҳавасини келтираётгани бежиз эмас. Жумладан, яқингинада ён қўшнимиз Қозғистон Президенти Қосим-Жомарт Тоқоёв:

«Биз нефть-газ соҳасидаги мавжуд заводларни ремонт қилиш билан оворамиз. Қўшнимиз Ўзбекистон эса аллақачон 2-3 та янги заводни қуришнинг удасидан чиқди. Бир қарашда одамнинг ҳаваси келадими» дея муваффақиятларимизни тан олиб, бизни ўз ҳукуматига ўрнақ қилиб кўрсатиши, албатта, қайфиятни чоғ қилади.

Холисанилло айтганда, Президент Шавкат Мирзиёев ўтказётган ислохотларнинг ўзига хос жиҳатлари, маъжозий маънода айтганда, илҳом «сарчашмалари» бор.

Давлат сиёсатининг «самимий»лашуви, масалан, узоқ йиллик протекционизмдан воз кечилиши Ўзбекистон бозорини кенгроқ доирадаги шериклар учун очиб берди, Тошкентнинг асосий чет эллик сармоядорларга қарамлигини камайтирди.

